

舊

譯

大方廣佛華嚴經卷第二十一

一百六
朝九

大方廣佛華嚴經卷第二十一

朝

東晉天竺佛跋陀羅譯

迴向品之六

佛子何等為菩薩摩訶薩第八如相迴向佛
 子此菩薩摩訶薩成就念智安住不動離癡
 正念直心不動成就堅固不可壞業一切智
 境界得不退轉得大乘勇猛無畏之心修習
 無盡善根積集勝妙善根修白淨法增長大
 悲得正直寶當能正念一切諸佛白淨法迴



向心不退轉樂求菩薩道巧妙方便出生清
淨堅固善根正念修習智慧功德為調御師
具足出生一切善根智慧方便迴向衆生慧
眼清淨悉能觀察一切善根長養無量種種
善根分別境界善根具足善根清淨善根一
向善根修習善根行善根思惟善根平等廣
說善根菩薩摩訶薩如是善根有種種門種
種境界種種相種種事種種分別無量行無量
語言道出生無量分別修行種種莊嚴善根
悉能正持十力諸乘菩薩摩訶薩修習如是
種種善根一觀無二一切智境菩薩摩訶薩
以如是等善根迴向欲令具滿無礙身修習

薩行欲令口業清淨無礙修菩薩行欲令具
足無礙心業安住大乘具無礙心今菩薩行
皆悉清淨得無量大施心充滿一切衆生得
法自在心照一切法普示世間得最勝不可
壞心得清淨一切種智發菩薩心普照一切
正念三世一切諸佛念佛三昧悉得具足滿
足離害正直之心遠離怨敵任持衆生充滿
一切而無休息於十力智悉得安住得深三
昧悉能遍遊一切世界無所染著悉住一切
刹而無厭足化度衆生未曾休息出生無量
巧便思慧具足成就一切菩薩不思議慧得
離癡智悉能分別一切世界於一念中悉能

嚴淨一切佛刹於諸通慧而得自在入一切
法真實之相示現嚴淨一切世間於一刹中
見一切刹究竟不壞智能持一切刹以菩薩
莊嚴具而莊嚴之應現一切悉能調伏無量
衆生一佛世界廣大如法界一切世界亦復
如是得究竟智詣一切刹一切普持菩薩摩
訶薩以此善根迴向佛刹令衆生充滿迴向
分別受持智慧如爲己身爲衆生迴向亦復
如是令一切衆生永離地獄餓鬼畜生閻羅
王處令一切衆生悉能除滅諸障礙業令一
切衆生悉得等心平等智慧令諸怨敵具慈
心樂清淨智慧令一切衆生智慧現前圓滿

佛古亮卷五

楊實

具足普照一切令一切衆生具真實智離垢
正直菩提心無量智慧滿足令一切衆生示
現平等安隱善趣菩薩摩訶薩如是迴向修
習善根及一切願如大雲雨令一切衆生皆
悉清淨令一切衆生爲功德福田令一切衆
生守護受持菩提內藏令一切衆生離諸障
礙安住無礙清淨法界令一切衆生滿足無
礙諸通智慧令一切衆生得自在身遊行十
方如應示現令一切衆生得無礙善根一切
種智令一切衆生攝取一切悉令清淨令一
切衆生遠離障礙瞋恚之心究竟成就一切
種智復次菩薩摩訶薩若見可樂國土林樹

華菓或見可樂名香上服珍寶財物諸莊嚴
具或見可樂園觀村邑聚落王都或見可樂
自在帝王或見可樂阿練若處菩薩摩訶薩
見如是已修巧方便出生無量淨妙功德樂
求實義為衆生故而不放逸善能修習一切
善根猶如大海難可測量具足善根不可窮
盡一切功德皆悉滿足亦不分別種種善根
巧妙方便清淨迴向示現無量諸行善根常
念一切未曾忘失衆生境界如善根平等善
根菩薩摩訶薩善根如是迴向令一切衆生
志常樂見無量諸佛如法不取法性無數衆
生平等清淨亦復如是令一切衆生悉得諸

佛隨意愛樂供給侍者今一切佛國除滅煩惱清淨可樂今一切眾生悉得見聞無量佛法心常愛樂常樂守護諸菩薩行樂以愛眼觀善知識今一切眾生見可樂法今一切眾生樂持正法今一切眾生於佛法中得可樂明令一切菩薩悉得可樂大施之心於諸法中得無所畏樂為眾生分別廣說得菩薩可樂三昧諸陀羅尼得一切菩薩受記智慧得一切菩薩甚可愛樂自在示現具足諸佛圓滿說法得可樂方便分別說法得可樂大悲發菩薩心諸根悅豫得可愛樂諸如來家教化眾生心不休息得菩薩可樂無盡法藏於

朝

古花

卷二十一

三

易五

無量劫一一世界化度衆生於現在佛所得
可愛樂巧妙方便得可愛樂深妙方便無所
障礙永離愚癡具足可樂平等離欲一切諸
法斷諸障礙決定深解不二法界具足可樂
離欲際等一切諸法入真實際得菩薩可樂
無諍滿足之法具足可樂金剛藏心一切種
智勇猛精進清淨成滿具足可樂清淨善根
摧伏怨敵滅障道法具足可樂無上菩提一
切種智常現在前充滿衆生如是菩薩摩訶
薩長養善根得淨慧明常爲善知識之所攝
護如來慧日明照其心滅除癡闇淨修正法
入諸智業善學智地分別法界一切善根善

能迴向一切菩薩諸善根海盡其原底成就
智慧深入堅固明解善根了達諸度菩薩摩
訶薩善根如是迴向不著世界不著衆生界
心無所依寂然不亂正念諸法具足諸佛無
選擇智不違三世一切諸佛正迴向門不違
一切平等正法不壞佛相等觀三世了衆生
空無所依住順如來道普照諸法解真實義
漸至諸地如實分別一切諸法智慧周滿具
足堅固未曾忘失修習正業常樂寂靜正趣
離生了一切法猶如幻化解了一切法無有自
體觀一切義及種種行於語言道而無所著
所有諸法皆從緣起觀甚深法生實智迴向

觀察寂滅一切諸法皆入一觀不違諸法種種異相善解迴向修菩薩道善根迴向攝取衆生長養三世菩薩一切迴向如是菩薩摩訶薩以無恐怖心善根迴向一切佛法以無量心善根迴向一切衆生皆悉清淨以無我無我所心善根迴向於十方界無所染著以無餘心善根迴向於一切境界世界無所染著行離世間法善根迴向得出世法不著衆生善根迴向見諸勝道善根迴向離虛妄法出生真實善根迴向如法門至一切道無量無邊善根迴向如如善根亦亦迴向衆生解了諸法如性如善根亦亦迴向一切法自性

新

廿一卷

四

魚宗

無有自性如相如善根亦尔迴向一切法無
相真實相如法如善根亦尔迴向佛法不退
轉如行如善根亦尔迴向一切如來所行如
境界如善根亦尔迴向三世諸佛滿足境界
如安立如善根亦尔迴向安立一切衆生如
隨順如善根亦尔迴向盡未來劫隨順不斷
如量如善根亦尔迴向衆生心與虛空等如
充滿如善根亦尔迴向一念滿一切世界如
久住如善根亦尔迴向離一切世間住住究
竟住如不生如善根亦尔迴向不生滿足一
切佛法如堅固如善根亦尔迴向壞散一切
煩惱如不壞如善根亦尔迴向一切衆生不

可破壞如明如善根亦尔迴向普照
一切處如善根亦尔迴向至一切處道如一切
切時如善根亦尔迴向隨順一切時如一切
如善根亦尔迴向一切衆生隨順清淨如一切
切平等如善根亦尔迴向一切行平等如一切
切法眼如善根亦尔迴向一切衆生悉得法
眼如不倦如善根亦尔迴向一切行菩薩道
而無疲倦如甚深如善根亦尔迴向一切第
一深法如無所有如善根亦尔迴向知一切
無所有如不出如善根亦尔迴向一切無所
顯現如離瞋如善根亦尔迴向明眼離瞋清
淨如無比如善根亦尔迴向甚深無比之行

如寂靜如善根亦尔迴向一切常樂寂靜如
無根如善根亦尔迴向究竟無根之法如無
量無邊如善根亦尔迴向一切無量無邊衆
生皆悉清淨如無著如善根亦尔迴向究竟
無所著際如無礙如善根亦尔迴向滅除一
障礙如非世間行如善根亦尔迴向遠離
五一切世間行法如不繫如善根亦尔迴向不
繫一切生死如無行法如善根亦尔迴向遠離
一切諸行如住如善根亦尔迴向一切住於
如住如一切法成如善根亦尔迴向衆生所
學成就如一切法平等如善根亦尔迴向一
切具平等行如一切法不捨如善根亦尔迴

向不捨盡未來際一切衆生如一切法不盡
如善根亦尔迴向一切無盡衆生如不違一
切法如善根亦尔迴向一切衆生不違三世
諸佛如攝一切法如善根亦尔迴向一切衆
生悉攝善根今無有餘如一切法同如善根
亦尔迴向悉同三世諸佛如一切法不離如
善根亦尔迴向悉攝世間及離世間如不可
壞如善根亦尔迴向一切衆生不可沮壞如
無恚如善根亦尔迴向一切衆生一切魔業
所不能動如不濁如善根亦尔迴向一切菩
薩行無有垢濁如不亂如善根亦尔迴向一
切衆生離諸塵亂如不可盡如善根亦尔迴

向一切世間法所不能盡如菩提如善根亦
余迴向覺悟一切諸法如不失如善根亦余
迴向一切衆生不失直心如照如善根亦余
迴向一切衆生悉以大智光明普照一切如
不可說如善根亦余迴向一切不可說智如
持一切衆生如善根亦余迴向一切持菩薩
行如隨順一切語言如善根亦余迴向一切
無言智慧如離一切種種法如善根亦余迴
向示現一切佛刹及諸如來成最正覺示現
無量無邊神力自在如離虛妄如善根亦余迴向
世間悉離虛妄如一切身遍三如善根亦余
迴向無量身遍一切刹如不受生如善根亦

尔迴向無生巧妙方便示現受生如無不有

如善根亦尔迴向三世一切諸佛自在神力

及一切刹在身內現如夜如善根亦尔迴向

一切夜施作佛事得無上明如晝如善根亦

尔迴向一切在晝眾生悉令善覺見諸如來

自在神力住不退法輪離癡清淨如半月及

月如善根亦尔迴向一切眾生住一切時巧

妙方便於一念中悉能分別一切時節如年

歲如善根亦尔迴向受持種種諸劫嚴淨諸

根了達諸根如一切劫成敗如善根亦尔迴

向一切劫淨住無染一切眾生清淨調伏眾

生如未來如善根亦尔迴向盡一切未來際

朝

古莊卷五

六

楊贊

修習菩薩清淨妙行悉能滿足無量願如
世如善根亦尔迴向一切衆生於一念中見
一切佛乃至未曾一念遠離如至一切處道
如善根亦尔迴向一切衆生得不壞道超出
三界如有無如善根亦尔迴向一切諸有清
淨如無所有如淨如善根亦尔迴向一切菩
薩淨行出生無上菩提之具如明淨如善根
亦尔迴向得菩薩一切三昧明淨之心如離
垢如善根亦尔迴向離一切垢淨心滿足如
無我所如善根亦尔迴向攝取無我我所清
淨之心充滿十方一切佛刹如平等如善根
亦尔迴向得無盡一切智永離癡愛普照一

一切如無數如善根亦尔迴向一切智乘力住
巧方便法雲普覆一切世界如平等住如善
根亦尔迴向一切眾生具菩薩行住一切智
如分別一切眾生界如善根亦尔迴向一切
善根現前滿無礙智如一切眾生語言如善
根亦尔迴向解了一切諸語言法如不離一
切眾生如善根亦尔迴向攝取一切眾生具
足善根遠離生死如廣如善根亦尔迴向受
持三世佛所說法修習菩薩離癡之行如不
休息如善根亦尔迴向一切劫修菩薩行未
曾休息安處眾生於摩訶衍如一切法第一
如善根亦尔迴向開淨法門無礙淨念攝一

一切法如無量讚歎如善根亦尔迴向得無量
讚歎智慧菩薩實行如離熾然如善根亦尔
迴向離熾然法滅除衆生熾然令得清淨如
不動如善根亦尔迴向善根安住不動滿足
普賢菩薩願行如諸佛境界如善根亦尔迴
向一切衆生智慧境界皆悉滿足除滅一切
煩惱境界如不可壞如善根亦尔迴向善根
一切魔業所不能壞悉能調伏衆邪外道如
非可修非不可修如善根亦尔迴向離一切
修非修虛妄斷一切虛妄如不退如善根亦
尔迴向常見一切諸佛未曾中退修習莊嚴
菩提之心如一切語言如善根亦尔迴向分

朝

古花卷二十一

七

湯五

別一切語言如不著一切法如善根亦亦迴
向一切衆生悉無所著今一切衆生行普賢
行如一切地如善根亦亦迴向一切衆生悉
得隨順智慧之地普賢莊嚴如不可斷如善
根亦亦迴向一切法中得無畏無斷一切語
言周滿具足能廣演說如無漏如善根亦亦
迴向一切衆生皆今具足無漏善根菩提之
心逮得法智解了分別如無有覺法無有滅
法如善根亦亦迴向覺悟一切諸法於一念
頃皆悉充滿無量法界如過去非同未來非
故現在非異如善根亦亦迴向發起新新菩
提心願除滅生死清淨衆生如三世中不取

虛妄如善根亦尔迴向過去未來皆悉清淨
現在念念現成正覺如一切諸佛菩薩具足
如善根亦尔迴向一切衆生具足佛智大願
方便如常淨無染汙如善根亦尔迴向一切
衆生悉除煩惱一切種種智清淨滿足菩薩摩
訶薩如是迴向時等一切佛刹淨一切世界
故等一切世間轉不可壞清淨法輪故等一
切菩薩出生一切智願故等觀諸佛無有二
故等觀諸法不壞自性故等觀三世巧方便
智解語言道故一切菩薩行等所種善根悉
能迴向故知一切時隨時修習不捨佛事故
一切業報平等不著世間出生離世善根故

神力自在與諸佛等隨順世間等現佛事故
佛子是名菩薩摩訶薩第八如相迴向菩薩
摩訶薩安住此迴向得無量無邊清淨法門
爲人中雄而無所畏大師子吼成就無量無
數菩薩於一切時未曾休息得佛無量無邊
滿足身一身充滿一切世界得佛無量無邊
滿足音聲發一音聲一切衆生無不聞者得
佛無量無邊滿足力於一毛道安置一切世界得佛無量
無邊滿足勝衆生法示現一切得佛無量無邊滿足自在
神力置一切衆生於微塵得一切佛無量無邊滿足解脫
於一衆生身中現一切佛刹一切如來成最
正覺得一切佛無量無數滿足三昧正受菩

朝

古花嚴

卷二十一

八

湯成

方便力於一三昧中悉能出生一切三昧得
一切佛無量無邊滿足辯才說一句法盡未來
劫而不窮盡悉除一切衆生疑惑得一切佛
無量無邊滿足勝衆生法示現一切衆生薩
婆若十力等覺佛子是為菩薩摩訶薩以一
切善根隨順如相迴向尔時金剛幢菩薩承
佛神力普觀十方以偈頌曰
菩薩心安住 離癡常正念 忍辱離惱害
修集無量德 其心無嫌恨 正直常清淨
諸業莊飾世 悉能善分別 菩薩思惟業
種種無有量 若益衆生業 修習常履行
善能順世間 普令一切喜 隨應衆生業

菩薩分別行

永離諸恚癡

知法亦知義

安住調伏地

饒益一切衆

覺悟諸善法

無量不可數

悉能分別知

迴向益衆生

以此深方便

具足諸地智

滅除衆煩惱

如如善迴向

普攝一切趣

安住如實法

如是業迴向

悉令無所著

深樂至處道

修習真如法

無性無所有

明德者迴向

日夜及半月

一月年數劫

一切皆悉如

功德亦如是

如世及諸刹

衆生一切法

趣非趣如實

迴向悉無餘

如如性如實

思惟如是性

諸功德迴向

悉皆順真如

如如性如是

諸法無所有

如如離自性

智者業迴向

如如自性實

一切業如是

如是真佛子

入佛方便藏

無礙無轉心

隨順眾生相

如是不思議

思非思寂滅

除滅諸煩惱

無盡智所印

心不在內外

如諸相如實

諸業亦如是

無縛亦無解

安住不可動

覺悟法王法

亦復無所轉

深入真實相

思議不可盡

如是思惟法

是名功德生

盡法無盡性

心亦無所有

諸生亦如是

如如無有量

諸業悉清淨

成就智慧力

無縛亦無著

法身所攝業

相亦非是相

深入不思議

分別一切業

菩薩一切報

無盡方便滅

妄取故有法

朝 古花卷二十一

九

金

不取則寂滅

佛子如是知

法空無自性

諸法無自性

最勝覺無我

如如等衆生

覺法性如是

彼見不思議

無相智不惑

如是深修習

一向求菩提

所願不退轉

饒益衆生故

菩薩捨此身

無死虛妄想

解了心如化

調伏一切衆

觀彼順正念

世間業報起

菩薩悉救護

三界無有餘

了知衆想行

皆悉是虛妄

菩薩知非實

亦不壞法性

彼如是迴向

智慧妙善根

憐愍一切衆

令入深方便

佛子何等為菩薩摩訶薩第九無縛無著解

脫心迴向此菩薩摩訶薩於一切善根不生

輕心不輕出生死心不輕攝善根心不輕專
求一切善根心不輕悔過心不輕隨喜善根
心不輕禮他方佛心不輕恭敬合掌業心不
輕禮拜塔廟尊重業心不輕勸請他方諸佛
轉法輪業心菩薩摩訶薩常樂攝受彼諸善
根堅固不壞彼善根安住彼善根思惟彼善
根長養彼善根不著彼善根正真息具彼善
根不選擇彼善根隨順彼諸佛境界善根見
彼善根得自在力菩薩摩訶薩以無縛無著
解脫心彼諸善根迴向具足普賢身口意業以
無縛無著解脫心修習普賢勇猛精進以無
縛無著解脫心具足普賢無礙音聲陀羅尼

門充滿十方以無縛無著解脫心具足普賢
得見一切佛諸陀羅尼以無縛無著解脫心
具足普賢妙音陀羅尼分別一切音聲悉能
演說無量法雲以無縛無著解脫心得持普
賢一切劫行陀羅尼於一切世界具足修習
諸菩薩行以無縛無著解脫心於一衆生身
盡未來劫示現普賢菩薩一切自在神力如
一衆生身一切衆生身亦復如是以無縛無
著解脫心悉得普賢自在神力示現現在一
切諸佛菩薩衆中修菩薩行以無縛無著解
脫心得普賢一法門於無量無數劫示現諸
佛無盡自在悉能度脫一切衆生以無縛無

佛

古花嚴世卷

十

金

著解脫心得普賢種種法門自在於無量無
數劫示現諸佛無盡自在悉能度脫一切衆
生以無縛無著解脫心得普賢自在於念念
中今無量衆生安住十力心無厭足以無縛
無著解脫心得普賢菩薩自在於一切衆生
身中皆悉得見諸佛自在修普賢行以無縛無
著解脫心得普賢自在於一
言中悉能分別
一切衆生音聲語言調伏一切衆生安住薩
婆若地以無縛無著解脫心得普賢自在於
一衆生身中悉能容受一切衆生彼悉自謂
逮得佛身以無縛無著解脫心得普賢自在
於一華中今一切嚴淨世界皆悉安住菩薩

摩訶薩復作是念以此無縛無著解脫心善
根出生普賢微妙音聲充滿法界十方佛刹
隨其所應皆悉得聞以此普賢無縛無著解
脫心善根如普賢於念念中見盡過去際無
量無邊世界諸佛聞所說法受持不忘莊嚴
佛家以此無縛無著解脫心善根如普賢盡

釋
自持卷五

上

未來劫於一切世界中演說諸法皆悉究竟
以此無縛無著解脫心善根於一切世界成
最正覺出興于世以此無縛無著解脫心善
根能以一光普照虛空等一切世界修習普
賢菩薩所行以此無縛無著解脫心善根得
無量無邊智慧皆能隨順諸地神通成就普

賢菩薩所行以此無縛無著解脫心善根悉
得究竟如來智慧於一切劫說如來智諸劫
悉盡而智無窮盡具足普賢菩薩所行以此
無縛無著解脫心善根於法界等一切如來
菩薩所行悉能修習身口意業而無懈怠猶
如普賢以此無縛無著解脫心善根得一切
佛無上菩提義身不違法身辭辯淨地而不
可壞樂說辯才無盡之藏調伏一切衆生具
普賢願以此無縛無著解脫心善根入一一
法門普照無量不可思議世界於一切法門
盡其原底修習普賢菩薩所行逮得究竟薩
婆若地以此無縛無著解脫心善根於一一

境界中悉以一切種智分別了知一切種智
猶無窮盡究竟普賢莊嚴彼岸修菩薩行具
足成就方便大王以此無縛無著解脫心善
根從此生盡未來際生具足普賢菩薩所行
及一切種智離癡法王以此無縛無著解脫
心善根得無礙法明普照一切諸菩薩行常
修正業具足普賢自在方便以此無縛無著
解脫心善根悉得無量方便不可思議方便
菩薩方便一切智方便調伏菩薩方便轉無
量法輪方便不可說不可說時方便種種說
法方便無分際無畏方便說一切法無餘方
便得如是等一切隨順方便智修習普賢菩

菩薩所行以此無縛無著解脫心善根具足身
業令一切衆生皆悉歡喜得菩薩不退轉清
淨善根究竟安住普賢諸業以此無縛無著
解脫心善根得清淨智悉能分別衆生語言
一切口業清淨莊嚴音辭微妙言無能及修
習受持普賢所行以此無縛無著解脫心善

根悉能分別一切佛刹一切衆生一切諸法
一切莊嚴其心清淨出生一切如來法藏究
竟一切智善能隨順普賢所行以此無縛無
著解脫心善根清淨直心得一切佛無礙法
身具足解脫修如來法攝佛功德住佛境界
大智普照修習菩薩清淨之行隨順方便悉

能分別一切法藏出生無量夫乘自在悉能
示現無量無邊一切衆生無上六道具足普
賢行願迴向以此無縛無著解脫心善根得
明利根善調伏根於一切法自在根無窮盡
根修習一切諸善根住一切佛境界平等根授一
切菩薩不退轉記大精進根分別一切佛法
金剛界根一切如來智慧光照金剛炎根分
別一切諸根自在根力令一切衆生安住一切
智根無量根滿足一切根無礙清淨根平等
修習諸願根以此無縛無著解脫心善根得
一切菩薩神力住持無量身神力無量智慧
境界神力不離一處悉能示現一切佛刹神
力菩薩無礙不可制持自在神力示現攝取
一切佛刹安置一處自在神力一身充滿一

力菩薩無礙不可制持自在神力示現攝取
一切佛刹安置一處自在神力一身充滿一
切佛刹自在神力菩薩無礙解脫自在神力
少方便一念自在神力依無所有自在神力
以一毛悉縛無量世界悉持遊行法界等佛
刹示現衆生令得究竟妙智慧門自在神力

修習普賢菩薩所行以此無縛無著解脫心
善根於一念頃悉能往詣無量佛刹於一身
中悉能容受無量佛刹逮得其深微妙智地
善能分別諸佛世界得無生心悉入普賢菩
薩法門生菩薩行以此無縛無著解脫心善
根生如來家修菩薩行具足無量無數不思

議法無量。大願皆悉成滿。分別一切法界及
三世法界而無懈怠。隨順普賢菩薩諸行。究
竟智界。以此無縛無著。解脫心善根於一毛
道。分別無量無數佛刹。悉能包容一切法界。
究竟空界。如一毛道。一切法界。虛空界等。一
切毛道。亦復如是。以普賢菩薩清淨法門。開
智慧眼。以此無縛無著。解脫心善根。能以無
量無數阿僧祇劫。以為一念。能以一切衆生
諸念。以為一念。此諸方便。皆由普賢菩薩深
心。究竟以此無縛無著。解脫心。究竟此無縛
無著。解脫心善根。於一身內。悉能容受無量
諸身。如一身。一切身。亦復如是。具足普賢菩

薩迴向以此無縛無著解脫心善根悉入一切諸佛境界常見諸佛虛空界等清淨法身相好莊嚴神力自在梵音微妙具足廣說無礙正法聞彼佛法悉能受持於彼佛身了無所有悉得普賢菩薩無量大願永離衆生心想見倒以此無縛無著解脫心善根入一切世界入翻覆世界入伏世界於一念中悉能遍入十方世界一切佛刹分別因那網世界分別一切平等法界今雜世界悉為一形無量種種世界無量方便入深法界皆如虛空而亦不壞世界之性修普賢行住菩薩地以此無縛無著解脫心善根悉能分別一切諸

想衆生想法想佛利想方想佛想世想業想
行想解脫想想根想想時想想受持想想煩惱想想清淨
想成熟想想見諸佛想想轉法輪想想聞法解想想調
伏想想種種方便出生想想種種地想入菩薩想
修習菩薩功德想想菩薩三昧正受想想菩薩三
昧起想想菩薩境界想劫成壞想想明想想闇想想書

想夜想想半月一月年年歲時變想想去想想來想想坐
想想立想想覺想想睡想想如是等一切諸想想於一念
中悉能了知心無虛妄悉離諸想想心無所著
遠離障礙一切如來智慧充滿一切佛法長
養善根以一切佛身以熏其身常爲諸佛之
所攝取於白淨法未曾退失善能修學等正

覺法究竟彼岸修行諸佛普賢所行具足諸願受如來記於一念中得入方便地究竟智滿足安住以此無縛無著解脫心善根以一心觀無量心離諸虛妄而無所依心不一故所行各異業相不同今一切衆生勇猛精進出生普賢智慧之寶猶如普賢以此無縛無著解脫心善根於一處悉能分別無量諸處如一處一切處亦復如是悉決定知滿足普賢大願智寶以此無縛無著解脫心善根於一業分別知無量諸業種種緣造如一業一切諸業亦復如是修習普賢菩薩行業智地以此無縛無著解脫心善根於一法中悉

分別知一切諸法於一切法中亦知一法分
別諸法而不違不著以此無縛無著解脫心
善根於一語中悉分別知無量言音猶如呼
響如一語中一切語言亦復如是於彼言音
無所依著住菩薩行智慧成就逮得普賢無
礙淨耳以此無縛無著解脫心善根於一
法中悉能演說不可說不可說諸法長養善
根不可思議應時說法一切時解脫決定了
知衆生諸根隨其所應聞佛音聲佛一妙音
悅無量衆一如來所菩薩大衆充滿法界究
竟了知一切諸行住普賢地於念念中如說
入法長養不可說妙智慧身盡未來劫於一

一切世界一切佛所悉能修習虛空等行勇猛
如普賢修習大智慧具足一切行安住普賢
地以此無縛無著解脫心善根於一一根中
皆悉了知無量諸根不可數意不思議境界
修習普賢行法門諸根

大方廣佛華嚴經卷第廿二

十

